



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Saxonia || Et || Metropolis || Alberti Crantzii || Historici
Doctiss. Sacrae || Theologiae & Iuris Canonici Doctoris ||
celeberrimi, ac Ecclesiae Ham-||burgensis quondam
Decani**

Krantz, Albert

Coloniae, 1574

Capvt Primvm.

urn:nbn:de:hbz:466:1-11453

SAXONIAE
LIBER NONVS.

CAPVT PRIMVM.



Henricus comes de Lutzen-
burgo in Lotharingia, vir ad
arma strenuus, rex Romano-
rum post Albertum ab electo-
ribus Franckfordie designa-
tur, Septimus eius nominis.
Aderant Itali Gibellini, vrb-
bus suis pulsi: qui expectantes
electionem noui regis, ostenderunt, quibus per Italiam
modis res prosperè Imperatori futura viderentur: Sum-
mus tum pontifex Auinione agebat. Missi oratores ab
Imperatore ad pontificem, ostenderunt electionem de
Henrico factam, vt illam Papa comprobaret: Non ali-
ter fertur annuisse, nisi, vt intra biennium Roman pete-
ret, coronam ibi accepturus Imperij. Non expectabat
biennium Henricus: sed missis ad Italia vrbes oratori-
bus, transitum suum docuit futurum. Ad Florentinos au-
tem, quos sciebat inprimis Imperio reluctari, iussit ire
suos, & apud illos renouare iura Imperij, quibus rectè
facere, si non reluctarentur: sciuri, cum illis rem esse
regi, nisi, quæ se digna, quæ Romano Imperio debita, fa-
cerent. Responsum inde retulere nō satis placidum: Sed
rex copijs vndecunque pro dignitate & rerum neces-
sitate contractis, contendit in Italiam: & primum Medi-
olanenses aggreditur: qui vbi arma viderunt, quibus
pares esse non poterant, Turrianis eiectionis, Vicecomites
regem in urbem admisere. Cum autem primam Aquif-
grati

grani de more dudum coronam accepisset, ibi promeruit secundam, non Modoëtia, vt veteres. Luppoldus Austria dux, cum Germanorum cohortibus, in Vicecomitum gratificationem, vrbi praesidio imponitur. Audita autem Mediolani deditione regi facta, omnes Lombardi circumsedentes, praeter Alexandrinos, fidelitatis seruanda sacramento sese Imperio obligarunt: & cum singuli vicarios accepissent regios, nullus fuit aut populus liber, aut in ciuitate aliqua tyrannus, & factionis primarius, qui eiectiones prius aduersae factionis conciuces in patriam, iussus à vicario, non admiserit. Henricus interim ferream Imperij corollam Mediolani, vt diximus, suscepit: cuius muneris exequendi celebritas, maiore facta est impendio, quam cui ararium Mediolanense suffecerit: Vnde hinc atque inde, annitentibus diuersae factionis in vrbe principibus, insolito ciuitas est grauata tributo. Fuit id plebi molestissimum, & murmur primum, postea etiam aperti clamores auditi, ingeminatiq; sunt: auctam esse Mediolanensi populo seruitutem, non introductam diu ab Imperio speratam libertatem: & manus rapinis Germani non cohibuerunt, quos factioniferum nouarum cupidi adiuuauerunt. Tandem ad arma est ventum: Germani initio territi, cum cades in suos & vulnera edi cernerentur, introductis, quae in suburbij, & in agris dispersae erant, copijs, aperto in utranque factionem pralio decertare coeperunt. Sed Galeatinus Vicecomes, magno usus astu, Matthaeo genitore domi, tanquam ad arcem suam seruandam relicto, Luppoldo duci & Germanis ad eum conglobatis adhaesit: ne, quod timuit, in se quoque verterentur: Tumultus & plebeiae audacia ac temeritatis causam omnem & culpam in Turrianos referens, tyrannidem affectantes.

Rr

Bonus

Bonus artifex, culpam propriam deriuat in aduersarios, vt illos reijceret. Nec fuit difficile, furentes sua sponte Germanos accendere. Pari ergò odio Germani, & Gibellini, in Turrianos feruntur: Erant illi magna parte populi constipati, in platea ad Virginis subiecta, quid agerent dubij: quòd Imperio & populo pariter aduersari, & stultum & nefarium dicerent. Ad primum itaq; impetum admirabundi, ac propè amentes, dissipati sunt. Pugna deindè ad vicos relata: cades viri, promiscua fuit. Guido Turrianorum princeps, omnium primus insidias Vicecomitum recognoscens, cum filiis in fugam est versus: quem suorum pars maxima est sequuta: profectiq; Vercellensi porta, omnes cum pueris & vxoribus Vercellas petière: debacchatiq; in aduersam factionem Vicecomites, ad triginta illius primores, in quibus quatuor ex Turrianis fuere, Imperatoris militum Germanorum auxilio interfecerunt. Ad eum exciti tumultum, nonnulli Lombardia populi à promissa Henrico obedientia recesserunt: primique, & eodem die, Cremonenses, & Cremenses impositum à rege vicarium, & Gibellinos, armis, non sine cade, eiecerunt: Magiq; Brixiani Guelpharum partium duces, aduersa factionis principem, paulò antè iussu regis reductum, interficere cum quassissent, fuga se contulit ad Henricum: Pariter Parma factum: qui paulò antè, rege iubente, reducti sunt, tunc eiciuntur. Ità tartarea illa erynnis, & amor dominandi, regnat in populo vertiginoso Italia: vnihil aliud dies cogitent ac noctes, quàm dominari, & in aduersos vindicare: Huic vni studio, & temporali, & eternam salutem promptè impendunt, nihilipendentes omnia, ad dominandi, vindicandiq; comparationem